

AGENDA

Bydd y Cyfarfod yn dechrau am 9.05am

Eitem 1

Dadl ar Gymru a'r Byd

NDM709 Cynnig bod y Cynulliad Cenedlaethol:

Yn cymeradwyo ymrwymiad y Cabinet i godi proffil a dylanwad rhyngwladol Cymru.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol

(1)+(2)+(3)

(4)+(5)

Gwelliant 1 - William Graham (Dwyrain De Cymru);

Dileu "y Cabinet" ac ychwanegu "clymblaid y Democratiaid Rhyddfrydol – Llafur".

Gwelliant 2 - William Graham (Dwyrain De Cymru);

Ychwanegu brawddeg newydd, sy'n darllen:

"Yn cydnabod yr angen am adnoddau ychwanegol er mwyn adfywio'r diwydiant twristiaeth ac yn ceisio hyrwyddo twristiaeth Cymru dramor".

Gwelliant 3 - William Graham (Dwyrain De Cymru);

Ychwanegu brawddeg newydd, sy'n darllen:

"Yn galw ar glymblaid y Democratiaid Rhyddfrydol – Llafur i gynhyrchu'r amodau angenrheidiol i ddenu rhagor o fuddsoddi mewnol i economi Cymru".

Gwelliant 4 - Jocelyn Davies (Dwyrain De Cymru);

Ychwanegu ar ddiwedd y cynnig:

Yn galw ar y Weinyddiaeth Lafur/Democratiaid Rhyddfrydol i seilio ei hymdrechion i godi proffil rhyngwladol Cymru ar werthoedd Cymreig nodweddiadol, yn arbennig egwyddor drosfwaol y Cynulliad Cenedlaethol o ddatblygiad cynaliadwy.

Gwelliant 5 - Jocelyn Davies (Dwyrain De Cymru);

Ychwanegu ar ddiwedd y cynnig:

Yn galw ar y Weinyddiaeth Lafur/Democratiaid Rhyddfrydol i sicrhau bod y Cynulliad Cenedlaethol yn cymryd rhan gyflawn ym mhob cynhadledd ac ymgynghoriad gan gyrrff perthnasol yr Undeb Ewropeaidd a chyrrff rhyngwladol eraill.

Eitem 2

Dadl ar yr Undeb Ewropeaidd o dan Reol Sefydlog 6.5

NDM710 Cynnig bod y Cynulliad Cenedlaethol:

1. Yn nodi Adroddiad Blynyddol 2000 – 2001 y Pwyllgor Materion Ewropeaidd a gyflwynwyd i'r Swyddfa Gyflwyno ar 18 Mehefin 2001;
2. Yn cydnabod y cynnydd sylweddol a wnaed yn y gwaith o gryfhau'r berthynas rhwng Cymru a'r Undeb Ewropeaidd a'i sefydliadau drwy i Weinidogion y Cynulliad gymryd mwy o ran yng Nghyngor y Gweinidogion, rôl swyddfa'r Cynulliad ym Mrwsel a'r penderfyniad diweddar i ymuno â Chynhadledd y Rhanbarthau Morol Ymylol;
3. Yn nodi'r cynnydd a wnaed yn y gwaith o roi Cronfeydd Strwythurol Ewrop ar waith yng Nghymru;
4. Yn galw ar Gabinet y Cynulliad i ystyried yr effaith y bydd y materion allweddol o ran ehangu'r Undeb Ewropeaidd, polisi cydlynu yn y dyfodol a llywodraeth Ewropeaidd yn ei chael ar Gymru ac yn galw arnynt i gymryd y camau angenrheidiol i sicrhau bod buddiannau Cymru'n cael eu cydnabod;

Cliciwch [yma](#) i weld yr Adroddiad (Dim Copi Cymraeg ar gael). Ni fydd y ddogfen ar gael ar we'r Siambr

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol

(1)+(2)+(3)

(4)+(5)+(6)

Gwelliant 1 - Jocelyn Davies (Dwyrain De Cymru);

Ychwanegu ar ddiwedd pwynt 2:

ac yn galw ar Lywodraeth y DU i sicrhau bod Aelodau Cabinet y Cynulliad yn chwarae rôl flaenllaw yng Nghyngor y Gweinidogion pan fydd materion o bwysigrwydd hanfodol i Gymru'n cael eu trafod.

Gwelliant 2 - Jocelyn Davies (Dwyrain De Cymru);

Ychwanegu ar ddiwedd pwynt 3:

ond yn gresynu na chaniatawyd i'r Pwyllgor Materion Ewropeaidd drafod rhaglenni Cronfeydd Strwythurol Ewrop, oherwydd nad ydynt yn rhan o gylch gwaith y Pwyllgor hwn;

Gwelliant 3 - Jocelyn Davies (Dwyrain De Cymru);

Dileu pwynt 4, ac ychwanegu yn ei le:

Yn galw ar Gabinet y Cynulliad i fanteisio ar y cyfle i gyfrannu at y ddadl ar ehangu'r Undeb Ewropeaidd, polisi cydlynu yn y dyfodol a Llywodraeth Ewropeaidd trwy sicrhau bod sylwadau'r Cynulliad yn cael eu cyflwyno ym mhob fforwm sydd ar gael mewn modd amserol a chyson;

Gwelliant 4 - Jocelyn Davies (Dwyrain De Cymru);

Ychwanegu fel pwynt newydd ar ddiwedd y cynnig:

Yn galw am rôl graffu wedi'i diffinio'n glir ar gyfer y Pwyllgor Materion Ewropeaidd;

Gwelliant 5 - Jocelyn Davies (Dwyrain De Cymru);

Ychwanegu pwynt newydd ar ddiwedd y cynnig

Yn gresynu na arwyddodd Prif Weinidog Cymru y datganiad gwleidyddol gan Lywodraethau Bafaria, Catalonia, Gogledd Rhine Westphalia, Salzburg, yr Alban, Wallonia a Fflandrys ar ddyfodol yr Undeb Ewropeaidd (28 Mai 2001).

Gwelliant 6 - Jocelyn Davies (Dwyrain De Cymru);

Ychwanegu pwynt newydd ar ddiwedd y cynnig

Yn galw ar Brif Weinidog Cymru i fynegi siom dirfawr y Cynulliad i Brif Weinidog y DU ei fod wedi methu â chefnogi Strategaeth Datblygu Cynaliadwy gynhwysfawr ar gyfer yr Undeb Ewropeaidd, a elwir yn broses Caerdydd, yn Uwch gynhadledd yr UE yn Gothenburg.

Eitem 3

Dadl Plaid Leiafrifol: Plaid Cymru

NDM708 Mae'r Cynulliad Cenedlaethol :

Yn nodi'r problemau difrifol sy'n wynebu pobl leol o ran cael mynediad i gartrefi fforddiadwy mewn ardaloedd gwledig ar hyd a lled Cymru, ynghyd ag impact hynny ar gynaliadwyedd y Gymraeg fel iaith gymunedol fyw,

Yn galw ar Lywodraeth Cymru i gynnal arolwg manwl o'r sefyllfa hon ac i gyflwyno polisiau i fynd i'r afael â hi.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol

(1)+(2)+(3)+(4)+(5)+(6)

Gwelliant 1 - William Graham (Dwyrain De Cymru);

Ym Mhwynt 1. Dileu "Nodi" ac ychwanegu "Cydnabod".

2. William Graham (Dwyrain De Cymru);

Ym mhwynt 1. Dileu ", ynghyd ag impact hynny ar gynaliadwyedd y Gymraeg fel iaith gymunedol fyw". **TYNNWYD YN OL**

Gwelliant 3- William Graham (Dwyrain De Cymru);

Ychwanegu pwynt newydd rhwng pwynt 1 a 2 sy'n darllen:

"Yn cydnabod bod angen i Weinyddiaeth y Democratiaid Rhyddfrydol – Llafur gymryd camau pellach i adfywio'r economi gwledig."

Gwelliant 4 - William Graham (Dwyrain De Cymru);

Ym Mhwynt 2. Dileu "Llywodraeth Cymru" ac ychwanegu "Clymblaid y Democratiaid Rhyddfrydol – Llafur".

Gwelliant 5 - William Graham (Dwyrain De Cymru);

Ar ddiwedd y cynnig ychwanegu pwynt pellach sy'n darllen:

"Yn condemnio'r ymgyrch o weithredu uniongyrchol a gynigiwyd gan Gymdeithas yr Iaith".

Gwelliant 6 - William Graham (Dwyrain De Cymru);

Ar ddiwedd y cynnig ychwanegu Pwynt pellach, sy'n darllen:

"Yn galw ar glymblaid y Democratiaid Rhyddfrydol – Llafur i roi rhaglen addysg gymunedol ddwys ar waith er mwyn hybu, a chynyddu'r cyfleoedd i bobl Cymru ddysgu eu hiaith genedlaethol".

Dylai'r cyfarfod ddod i ben erbyn 12.35pm.

Cynhelir Cyfarfod Llawn nesaf y Cynulliad am

9.05 am ddydd Iau, 28 Mehefin 2001

E P Silk

Clerc y Cynulliad